

ЖАҢААРҒАН ЖАҢАСЕМЕЙ



№ 3 (14)

21 ҚАҢТАР

2026 ЖЫЛ

СӨРСЕНБІ КҮНДЕРІ ШЫҒАДЫ EMAIL: INFO@SEMEYTANY.KZ

ҰЛТТЫҚ ҚҰРЫЛТАЙ - 2026

Президент жаңа Парламентке «Құрылтай» деген атау беруді ұсынды

Кеше, 20 қаңтар күні Қызылорда қаласында Мемлекет басшысы Қасым-Жомарт Тоқаевтың төрағалығымен Ұлттық құрылтайдың V отырысы өтті.

Құрылтай атауын аса маңызды мемлекеттік институттың символы ретіне сақтап қалуымыз керек. Бұл туралы Мемлекет басшысы Қасым-Жомарт Тоқаев Қызылорда қаласында өткен Ұлттық құрылтайдың отырысында айтты.

Бұл форум елдің стратегиялық даму бағыттарын анықтайтын маңызды саяси-қоғамдық алаңға айналып отыр.

Президенттің сөзінің негізгі бағыттары:

Ұлттық құрылтайдың рөлі мен нәтижесі - Қасым-Жомарт Тоқаев Ұлттық құрылтайдың елдің реформалық үрдісіндегі айрықша маңызын атап өтіп, оның мүшелерінің бастамалары негізінде 26 заң қабылданғанын айтты. Бұл заңдар әлеуметтік саладан бастап құқық қорғау, мәдениет және мемлекеттік наградалар жүйесін жаңғыртуға дейінгі кең ауқымды мәселелерді қамтиды. Әлеуметтік-экономикалық даму - Президент экономика-ның өсім көрсеткіштеріне тоқталды, өңірлердің инфрақұрылымдық және әлеуметтік даму бағдарламаларын жалғастыру қажеттігін айтты. Құқық пен қоғамды нығайту Мемлекет басшысы бала құқықтарын қорғау, неке институтын заң жүзінде бекіту және адам құқықтары саласындағы міндеттердің маңыздылығын ерекше атап өтті. Конституциялық өзгерістер мен референдум - Президент Конституциялық комиссия құру туралы шешім қабылдағанын, және жақын арада жалпыұлттық референдумның уақытын анықтайтындығын айтты.



Вице-президент институты -Тоқаев жаңа лауазым -Вице-президент институтын енгізуді және оның құқықтық мәртебесін Конституцияға енгізуді ұсынды. Бұл лауазым халықаралық және ішкі байланыстарда мемлекет мүддесін білдіретін болады.

Ұлттық бірлік және мәдени құндылықтар - Қоғамдық сананы жаңғырту, патриотизмді нығайту, мемлекет рә-

міздерін құрметтеу тәрізді рухани және мәдени факторларға да назар аударылды.

Ұлттық құрылтай отырысы елдің саяси-экономикалық бағыттарын айқындаумен қатар, қоғамдық диалогты тереңдетуге және мемлекеттік бағдарламаларды іске асыруға серпін береді. Бұл форумды әр жыл сайын әртүрлі өңірлерде өткізу дәстүрге айналып келеді.

Мемлекет Басшысы Қасым Жомарт Тоқаевтың V Ұлттық Құрылтайда сөйлеген сөзінің толық мәтінін газетіміздің келесі санынан оқи аласыздар.

«ЖЖ»-ақпарат

Заң және тәртіп

ҚҰҚЫҚТЫҚ КЕҢЕС-ҚОЛЖЕТІМДІ ФОРМАТТА

Жаңасемей ауданының әкімдігінде «Заң мен тәртіп» идеологиясы аясында аудан тұрғындарына арналған «Құқықтық дәріхана» акциясы ұйымдастырылды. Аталған іс-шараның басты мақсаты - халықтың құқықтық сауаттылығын арттыру, тұрғындардың өзекті мәселелеріне жедел әрі нақты жауап беру, сондай-ақ мемлекеттік органдар мен қоғам арасындағы ашық байланысты нығайту.

Акция барысында аудан тұрғындары жеке мәселелері бойынша жауапты мемлекеттік органдардың өкілдеріне тікелей жүгініп, өздерін толғандырған сұрақтарға нақты әрі кәсіби кеңес алу мүмкіндігіне ие болды. Іс-шараға құқық қорғау органдарының, әлеуметтік сала, жер қатынастары, тұрғын үй-коммуналдық шаруашылық, жұмыспен қамту және басқа да салалар бойынша жауапты мекемелердің мамандары қатысты. Олар азаматтарды жеке қабылдап, әрбір мәселені заң аясында түсіндіріп, оны шешудің нақты жолдарын



ұсынды. «Құқықтық дәріхана» акциясының ерекшелігі - шалғай ауыл тұрғындарының да назардан тыс қалмауы. Ауданның алыс елді мекендерінде тұратын азаматтар Zoom платформасы арқылы онлайн форматта

Жаңасемей ауданының Жастар ресурстық орталығының бастамасымен ұйымдастырылған «Қарттарға көмек көрсету» акциясы қоғамдағы адамгершілік құндылықтарды дәріптеуге бағытталған игі шаралардың бірі болды. Аталған акция аясында Шақаман ауылының белсенді жастары ауылдағы жалғыз басты қарияға қолдау білдіріп, нақты көмек көрсетті.

ҚАРТТАРҒА ҚОЛ ҰШЫН СОЗУ – ІЗГІЛІК ҮЛГІСІ



Іс-шара барысында жастар жалғыз тұратын қарияның үйінің ауласын қардан тазалап, күнделікті тұрмысына жеңілдік жасауға атсалысты. Қыс мезгілінде қариялар үшін ең өзекті мәселелердің бірі – аула мен кіреберіс жолдарды тазалау екені белгілі. Осыны ескерген жастар ешқандай міндеттемесіз, шынайы жанашырлықпен іске кірісіп, үлкенге құрмет, кішіге үлгі боларлық әрекет көрсетті. Көрсетілген көмектің маңызын ауыл тұрғыны да ерекше атап өтті.

– «Бүгінгі жастардың қолынан келген көмегі мені өте риза етті. Ауламды тазалап, тұрмысымды жеңілдеткендері үшін алғысым шексіз. Осындай игі іс-шаралар жүрекке жылулық сыйлайды және қоғамдағы адамдар арасындағы байланысты нығайтады», – дейді Шақаман ауылының тұрғыны.

Акцияның тәрбиелік мәні мен әлеуметтік маңыздылығына Жаңасемей ауданы Жастар ресурстық орталығы да ерекше мән беріп отыр.

– «Біздің басты мақсатымыз – жастарға әлеуметтік жауапкершілікті сіңіру және оларды қоғамға пайдалы істерге баулу. Бұл акция тек қана қарияларға көмек көрсету емес, сонымен қатар жастарға адамгершілік, мейірімділік және қоғамға деген қамқорлық сезімін тәрбиелеу ісі болып табылады», – дейді Жастар ресурстық орталығы директорының міндетін атқарушы Айтқожа Еркеназ.

Мұндай игі бастамалар қоғамдағы ұрпақтар арасындағы сабақтастықты нығайтып, жастардың әлеуметтік белсенділігін арттыруға ықпал етеді. Қарттарға көрсетілген әрбір көмек – үлкенге құрметтің, ал жастар үшін өмірлік құндылықтарды бойына сіңірудің жарқын көрінісі. Осындай қайырымдылыққа негізделген акциялар алдағы уақытта да өз жалғасын табады деп күтілуде.

Өз тілшіміз

Еркеназ АЙТҚОЖА

ҚАУІПСІЗДІК

АЛАЯҚТЫҚҚА ЖОЛ ЖОҚ

Жаңасемей ауданының жастар орталығы аудандық прокуратура қызметкерлерімен бірлесе отырып, «Заң мен тәртіп» идеологиясы аясында жастар арасында интернет алаяқтықтың алдын алу, суицидтің профилактикасы және этика мәселелеріне арналған ақпараттық-түсіндіру кездесуін ұйымдастырды.



Іс-шараның негізгі мақсаты – жастардың құқықтық сауаттылығын арттыру, оларды интернет кеңістігінде кездесетін қауіп-қатерлерден сақтандыру, сондай-ақ қоғамдағы жауапты мінез-құлық пен заң талаптарын сақтаудың маңыздылығын түсіндіру болды. Кездесу барысында аудандық прокуратура қызметкерлері интернет алаяқтықтың кең таралған түрлеріне тоқталып, жеке деректерді қорғау, күмәнді сілтемелер мен хабарламалардан сақ болу жолдарын нақты мысалдар арқылы түсіндірді. Сонымен қатар, суицидтің алдын алу бағытында жастардың психологиялық денсаулығына мән беру, қиын жағдайға тап болған кезде көмек сұраудан қашпау және тиісті мамандарға жүгінудің маңыздылығы айтылды.

Шара аясында этика мәселелері де кеңінен қозғалды. Жастарға қоғамдағы өзара сыйластық, жауапты мінез-құлық, әлеуметтік желілерде мәдениетті сақтау және заң талаптарын бұзудың салдары жөнінде жан-жақты ақпарат берілді. Кездесу соңында Жаңасемей ауданының аға прокуроры шараның маңыздылығына тоқталып, жастармен осындай ашық форматтағы кездесулердің алдын алу жұмыстары үшін аса маңызды екенін атап өтті:

«Қазіргі таңда интернет алаяқтық, суицид және жастар арасындағы этикалық нормалардың сақталмауы – қоғамды алаңдататын өзекті мәселелердің бірі. Мұндай кездесулер жастардың құқықтық санасын қалыптастырып, өз құқықтары мен міндеттерін терең түсінуге мүмкіндік береді. Әрбір жас заңды білуімен қатар, оны өмірде дұрыс қолдана білуі тиіс. Прокуратура органдары алдағы уақытта да жастармен тығыз байланыста жұмыс істеп, құқықтық түсіндіру шараларын жалғастыра береді», – деді ол.

Іс-шара барысында жастар өздерін толғандырған сұрақтарын қойып, мамандардан нақты әрі пайдалы жауап алды. Қатысушылар мұндай кездесулердің маңыздылығын атап өтіп, алдағы уақытта да жалғасын табуына ниет білдірді.

Гүлім ЗАМАНБЕКҚЫЗЫ

КОММУНАЛДЫҚ ҚЫЗМЕТ

Ертіс ауылдық округінде қыс мезгілінде тұрғындардың қауіпсіздігі мен көлік қозғалысының үздіксіздігін қамтамасыз ету мақсатында көшелерді қардан тазалау жұмыстары тұрақты түрде атқарылуда. Қалың қардың жиналуына байланысты округ аумағындағы негізгі және ішкі көшелерде арнайы техниканың көмегімен тазалау шаралары күшейтілді.

ҚАР ТАЗАЛАУ ЖҰМЫСТАРЫ ЖҮЙЕЛІ ЖҮРГІЗІЛУДЕ

Қар тазалау жұмыстарына қажетті арнайы техника жұмылдырылып, жолдардың ашық күйде сақталуына ерекше назар аударылуда. Бұл шаралар тұрғындардың күнделікті қатынауын жеңілдетіп қана қоймай, жедел қызметтердің кедергісіз қозғалуына да мүмкіндік береді. Өсіресе, әлеуметтік маңызы бар нысандарға апаратын жолдар мен қоғамдық көлік жүретін бағыттар бірінші кезекте тазалануда. Округ әкімдігі тарапынан қысқы маусымдағы ауа райының қолайсыздығын ескере отырып, қар тазалау жұмыстарының уақытылы әрі сапалы орындалуы қатаң бақылауға алынған. Мамандар жол қауіпсіздігін сақтау және тұрғындардың шағымдарының алдын алу мақсатында жұмыстарды жүйелі түрде жүргізіп келеді.

Атқарылып жатқан шаралар қыс бойы жалғасып, округ ау-



мағындағы жолдардың ашық әрі қауіпсіз болуын қамтамасыз етуге бағытталмақ. Жергілікті тұрғындар да жүргізіліп жатқан

жұмыстарға оң бағасын беріп, көрсетіліп жатқан қызметтің маңыздылығын атап өтуде.

Еркеназ АЙТҚОЖА

ШАРУАШЫЛЫҚ

ҚОЖАЛЫҚТАРДЫ АРАЛАДЫ

Абыралы ауылдық округінің әкімі округ аумағында орналасқан шаруа қожалықтарын аралап, қысқы кезеңге байланысты атқарылып жатқан жұмыстардың барысымен танысты.



Аралау барысында шаруалардың күнделікті жұмысы, мал қыстату жағдайы және алдағы қыс маусымына қатысты жоспарлары назарға алынды. Сапар барысында әкім шаруа қожалықтарының басшыларымен кездесіп, мал шаруашылығындағы қазіргі ахуал, жем-шөп дайындау, қора-жайлардың жағдайы және еңбек процесі туралы пікір алмасты. Сонымен қатар, шаруаларды толғандырған өзекті мәселелер мен ұсыныстар тыңдалды.

Ауылдық округ әкімі қыс мезгілінде малды күтіп-бағу, қауіпсіздік шараларын сақтау және ветеринариялық талаптарға мән беру қажеттігін атап өтті. Сондай-ақ, ауыл шаруашылығын дамыту бағытында жергілікті атқарушы органдар тарапынан көрсетілетін қолдау шаралары жөнінде ақпарат берді.

Кездесу қорытындысында шаруалар мен әкімдік арасында өзара түсіністік орнап, алдағы уақытта да осындай кездесулердің жалғасатынын айтылды. Мұндай сапарлар ауыл шаруашылығы саласындағы өзекті мәселелерді дер кезінде анықтауға және шаруалармен тікелей байланыс орнатуға мүмкіндік бермек.

Өз тілшіміз

ЖҰМЫСПЕН ҚАМТУ

БОС ЖҰМЫС ОРЫНДАРЫ ЖӘРМӨҢКЕСІ ӨТТІ

Ағымдағы жылы Достық ауылдық округінде Жаңасемей ауданының мансап орталығы мамандарының қатысуымен бос жұмыс орындары жәрмеңкесі ұйымдастырылды.

Аталған іс-шараның негізгі мақсаты – жұмыссыз азаматтарды қолдау, оларды жұмыспен қамту мүмкіндіктері туралы кеңінен ақпараттандыру және еңбек нарығындағы сұраныс пен ұсынысты үйлестіру.

Жәрмеңке барысында жұмыс іздеуші азаматтарға аудан аумағындағы мемлекеттік және жекеменшік мекемелердегі бос жұмыс орындары туралы толық мәлімет ұсынылды. Қатысушыларға тұрақты және уақытша жұмысқа орналасу мүмкіндіктері, қоғамдық жұмыстар, жастар тәжірибесі, әлеуметтік жұмыс орындары және кәсіптік оқыту бағдарламалары жөнінде түсіндірілді.

Мансап орталығының мамандары әрбір азаматпен жеке әңгімелесу жүргізіп, олардың білімі мен еңбек өтіліне сәйкес келетін жұмыс орындарын ұсынды. Сонымен қатар, түйіндеме дайындау, жұмыс берушімен сұхбаттасу кезінде өзін дұрыс ұстау және еңбек қатынастарының құқықтық негіздері бойынша кеңестер берілді. Іс-шараға қатысушылар тарапынан қо-



йылған сұрақтарға жан-жақты жауаптар беріліп, бірқатар азаматтар нақты жұмыс берушілермен тікелей байланыс орнату мүмкіндігіне ие болды. Мұндай жәрмеңкелер ауыл тұрғындарының жұмыспен қамтылу деңгейін арттыруға және әлеуметтік тұрақтылықты қамтамасыз етуге

бағытталған тиімді алаң болып табылады.

Алдағы уақытта да Жаңасемей ауданында тұрғындарды жұмыспен қамтуға бағытталған осындай іс-шаралар тұрақты түрде ұйымдастырылатын болады.

Гүлім ЗАМАНБЕКҚЫЗЫ

ҚОЛЖЕТІМДІ БАСПАНА

Бүгін Абай облыстық филиалының «Отбасы банк» АҚ ғимаратында ерекше әрі қуанышты сәт орын алды. Шүлбі кентіндегі бір бөлмелі арендалық пәтердің кілті тұрғын үйге мұқтаж азамат, «жетім балалар» санаты бойынша кезекте тұрған Карасартов Арген Суеркуловичке салтанатты түрде табысталды.

ӨЗ БАСПАНАСЫНА ҚОЛ ЖЕТКІЗДІ

Арген Суеркулович 2016 жылдан бері тұрғын үй кезегінде тұрған. Көпжылдық үміт пен күту бүгінгі күні нақты нәтижеге ұласып, ол өз баспанасына қол жеткізді. Бұл күн оның өміріндегі маңызды кезеңдердің бірі болып, жаңа мүмкіндіктер мен жарқын болашаққа бастар алғашқы қадамға айналды. Іс-шара барысында шынайы сезімдерге толы сәттер көп болды. Қуаныш, толқу, алдағы өмірге деген сенім – осының барлығы бір күннің ішінде тоғысты. Өз үйінің кілтін алу – әр адам үшін ерекше қуаныш екені сөзсіз, ал бұл қуаныш Арген үшін көптен күткен арманның орындалуымен тең болды.

Мемлекет тарапынан көрсетіліп жатқан әлеуметтік қолдаулардың нақты нәтижесін көрсететін мұндай игі бастамалар алдағы уақытта да жалғасын табады деген сенім бар. Баспаналы болған азаматтың қуанышы – баршамызға ортақ қуаныш.

Еркеназ АЙТҚОЖА



«МӘШҰР ЖҮСІП ОҚУЛАРЫ» БАЙҚАУЫНЫҢ АУДАНДЫҚ КЕЗЕҢІ ҚОРЫТЫНДЫЛАНДЫ

Ағымдағы жылдың 14 қаңтарында жалпы орта білім беретін 8-11 сынып оқушылары арасында республикалық «Мәшһүр Жүсіп оқулары» байқауының Жаңасемей ауданы бойынша аудандық кезеңі өтті.

Байқаудың басты мақсаты – философ-ақын, ойшыл Мәшһүр Жүсіп Көпейұлының бай рухани мұрасын насихаттау, оның шығармаларында көрініс тапқан туған жерге деген сүйіспеншілік пен белсенді азаматтық ұстанымды өскелең ұрпақтың бойына сіңіру, сондай-ақ оқушылардың зияткерлік және шығармашылық қабілеттерін дамыту.

Аудандық кезеңге Жаңасемей ауданының білім беру ұйымдарынан іріктелген оқушылар қатысып, байқаудың 5 бағыты бойынша өз білімдері мен шығармашылық ізденістерін көрсетті. Барлығы 16 оқушы қатысып, өзара білім мен өнер сайысына түсті.

Байқау қорытындысы бойынша үздік нәтиже көрсеткен қатысушылар анықталып, жүлделі орындармен марапатталды. Атап айтқанда, I орынға – 5 оқушы, II орынға – 5 оқушы, III орынға – 6 оқушы ие болды.

Шара оқушылардың ұлттық рухани құндылықтарға деген қызығушылығын арттырып, қазақ әдебиеті мен мәдени мұрасын тереңірек тануға мүмкіндік берді. Жеңімпаздар мен жүлдегерлер алдағы уақытта байқаудың келесі кезеңінде аудан намысын қорғайтын болады.



АБАЙ ОБЛЫСЫ ЖАҢАСЕМЕЙ АУДАНЫ АЙНАБҰЛАҚ АУЫЛДЫҚ ОКРУГІНІҢ ӘКІМІНЕ КАНДИДАТТАРДЫ ТІРКЕУ ҚОРЫТЫНДЫЛАРЫ ТУРАЛЫ АҚПАРАТ

(сайлау 2026 жылдың 8 ақпаны)
2026 жылғы 18 қаңтардың сағат 18.00 жағдайына

№ р/с	Аты, тегі әкесінің аты	Туған жылы	Жұмыс орны және тұрғылықты жері	Кіммен ұсынылды немесе өзін-өзі ұсынған
1.	Зарлыханов Бауыржан Берикболұлы	1982 жылы туған	«Абай облысы Жаңасемей ауданының Қараөлең ауылдық округі» ММ бас маманы, Семей қаласының тұрғыны	Өзін-өзі ұсыну тәртібімен ұсынылған
2.	Курманов Газиз Серикович	1984 жылы туған	«Абай облысы Жаңасемей ауданының Айнабұлақ ауылдық округі» ММ, әкім, Семей қаласының тұрғыны	Өзін-өзі ұсыну тәртібімен ұсынылған
3.	Тураров Айбар Ерланұлы	1997 жылы туған	«Абай облысы Жаңасемей ауданының Достық ауылдық округі» ММ бас маманы, Семей қаласының тұрғыны	Өзін-өзі ұсыну тәртібімен ұсынылған

Жаңасемей ауданының аумақтық сайлау комиссиясы

ЖАҢАСЕМЕЙ АУДАНЫНЫҢ АЙНАБҰЛАҚ АУЫЛДЫҚ ОКРУГІ САЙЛАУ УЧАСКЕСІНІҢ ШЕКАРАСЫ

№113 сайлау учаскесі

Орталығы: «Ақбұлақ жалпы негізгі білім беретін мектебі» коммуналдық мемлекеттік мекемесі, Айнабұлақ ауылы.

Шекара: Айнабұлақ ауылдық округі шегінде.

АБАЙ ОБЛЫСЫ ЖАҢАСЕМЕЙ АУДАНЫ АЙНАБҰЛАҚ АУЫЛДЫҚ ОКРУГІНІҢ ӘКІМІНЕ КАНДИДАТТАРДЫҢ САЙЛАУ АЛДЫНДАҒЫ ҮГІТТІҢ БАСТАЛУЫ ТУРАЛЫ

2026 жылдың 8 ақпанында өтетін Жаңасемей ауданы Айнабұлақ ауылдық округінің әкімін сайлау жөніндегі сайлау науқаны шеңберінде, ағымдағы жылдың 18 қаңтарында сағат 18.00-де кандидаттарды тіркеу процесі аяқталды.

Кандидаттарды тіркеу мерзімі аяқталған сәттен бастап сайлау алдындағы үгіт 18 қаңтар сағат 18.00-де басталып, 7 ақпан сағат 00.00-де аяқталады.

Жаңасемей ауданы Айнабұлақ ауылдық округі әкімдігіне кандидаттардың сайлаушылармен кездесу кестесі және кездесу өту үшін бөлінген үй-жайлардың мекенжайы

№	Кандидаттың аты-жөні	Өткізу күні	Өткізу уақыты	Өткізу орны
Айнабұлақ ауылдық округі				
1.	Курманов Газиз Серикович	22.01.2026	11.00	Ақбұлақ ЖОББМ филиалы, Айнабұлақ ауылы, Айнабұлақ көшесі 17925.
		05.02.2026	14.00	
1.	Зарлыханов Бауыржан Берикболұлы	27.01.2026	11.00	Ақбұлақ ЖОББМ филиалы, Айнабұлақ ауылы, Айнабұлақ көшесі 17925.
		05.02.2026	15.00	
2.	Тураров Айбар Ерланұлы	27.01.2026	12.00	Ақбұлақ ЖОББМ филиалы, Айнабұлақ ауылы, Айнабұлақ көшесі 17925.
		05.02.2026	16.00	

ХАБАРЛАНДЫРУ

ЖШС ASTANAGEOGARANT, ҚР Экологиялық кодексінің 96 бабына сәйкес 2026 жылғы 24 ақпан, сағат 11:00-де, Абай облысы, Жаңасемей ауданы, Көкентау ауылдық округі, Көкентау ауылы, Н. Майтканов 29 мекенжайлары.

«Абай облысының №48 учаскесінде 2019 жылғы 03 сәуір №48-ЕЛ барлау лицензиясы бойынша арналған қатты пайдалы қазбаларды барлау жоспары үшін КОРБ, РЕТН, ҚББ, ӨЭББ, ІсЖ» бойынша ашық жиналыс түрінде қоғамдық тыңдау өткізеді

Жобалық құжаттама пакетімен Қоршаған орта мен табиғи ресурстардың жай-күйі туралы Ұлттық деректер банкі сайтында, сондай-ақ ЖАО «<https://www.gov.kz/memleket/entities/abay-tabigat>» сайтында танысуға болады.

Барлық ескертулер және / немесе ұсыныстар Қоршаған орта мен табиғи ресурстардың жай-күйі туралы Ұлттық деректер банкі сайтында, сондай-ақ [prigodnyye_resursy_obl.abay@mail.ru](mailto:abay@mail.ru) қоғамдық тыңдаулар өткізілетін күнге дейін 3 жұмыс күнінен кешіктірілмейтін мерзімде қабылданады.

Төтенше жағдай және (немесе) шектеу іс-шаралары, оның ішінде карантин енгізілген жағдайда әлеуметтік, табиғи және техногендік сипаттағы төтенше жағдайлар, қоғамдық тыңдаулар онлайн режимде өткізіледі.

Белсенді сілтеме: <https://us04web.zoom.us/j/9168292148?pwd=QXhkdWgwOHUvNG1kN0lUUmthb1ZlWdz09> немесе конференция идентификаторы: 916 829 2148. Кіру коды: 6n71D5.

Қосымша ақпаратты мына мекенжай бойынша алуға болады esoproject.company@bk.ru және + 7 (702) 557 40 58 телефондары бойынша алуға болады.

Ұсынылған қызмет түрінің операторы: ЖШС ASTANAGEOGARANT, БСН: 180440031049, Астана қ., Есіл а., Туркестан көш., 14а., тел: +7 777 906 66 66

Жобаны әзірлеуші: «Есо Project Company» ЖШС, БСН: 200540023731, Ақтөбе облысы, Ақтөбе Қ. А., Ақтөбе қ., Тургенева 3В, және тел- + 7 (702) 557 40 58 .

Әсер ету аумағы: №48 учаскесі - Абай облысы, Жаңасемей ауданы, Көкентау ауылдық округі, Көкентау ауылы.

Учаскенің географиялық координаттары: №48 учаскесі, 49°55'0" с.ш. 79°5'0" в.д.

Әсер ету аумағының географиялық координаттары: Көкентау ауылы, 50.078542 с.ш, 79.582856 в.д

ХАБАРЛАНДЫРУ

ЖШС ASTANAGEOGARANT, ҚР Экологиялық кодексінің 96 бабына сәйкес 2026 жылғы 24 ақпан, сағат 12:00-де, Абай облысы, Жаңасемей ауданы, Көкентау ауылдық округі, Көкентау ауылы, Н. Майтканов 29, мекенжайлары.

«Абай облысының №48 учаскесінде 2019 жылғы 03 сәуір №48-ЕЛ барлау лицензиясы бойынша арналған қатты пайдалы қазбаларды барлау жоспарына» ықтимал әсерлер туралы есеп» бойынша ашық жиналыс түрінде қоғамдық тыңдау өткізеді.

Жобалық құжаттама пакетімен Қоршаған орта мен табиғи ресурстардың жай-күйі туралы Ұлттық деректер банкі сайтында, сондай-ақ ЖАО «<https://www.gov.kz/memleket/entities/abay-tabigat>» сайтында танысуға болады.

Барлық ескертулер және / немесе ұсыныстар Қоршаған орта мен табиғи ресурстардың жай-күйі туралы Ұлттық деректер банкі сайтында, сондай-ақ [prigodnyye_resursy_obl.abay@mail.ru](mailto:abay@mail.ru) қоғамдық тыңдаулар өткізілетін күнге дейін 3 жұмыс күнінен кешіктірілмейтін мерзімде қабылданады.

Төтенше жағдай және (немесе) шектеу іс-шаралары, оның ішінде карантин енгізілген жағдайда әлеуметтік, табиғи және техногендік сипаттағы төтенше жағдайлар, қоғамдық тыңдаулар онлайн режимде өткізіледі.

Белсенді сілтеме: <https://us04web.zoom.us/j/9168292148?pwd=QXhkdWgwOHUvNG1kN0lUUmthb1ZlWdz09> немесе конференция идентификаторы: 916 829 2148. Кіру коды: 6n71D5.

Қосымша ақпаратты мына мекенжай бойынша алуға болады esoproject.company@bk.ru және + 7 (702) 557 40 58 телефондары бойынша алуға болады.

Ұсынылған қызмет түрінің операторы: ЖШС ASTANAGEOGARANT, БСН: 180440031049, Астана қ., Есіл а., Туркестан көш., 14а., тел: +7 777 906 66 66

Жобаны әзірлеуші: «Есо Project Company» ЖШС, БСН: 200540023731, Ақтөбе облысы, Ақтөбе Қ. А., Ақтөбе қ., Тургенева 3В, және тел- + 7 (702) 557 40 58 .

Әсер ету аумағы: №48 учаскесі - Абай облысы, Жаңасемей ауданы, Көкентау ауылдық округі, Көкентау ауылы.

Учаскенің географиялық координаттары: №48 учаскесі, 49°55'0" с.ш. 79°5'0" в.д.

Әсер ету аумағының географиялық координаттары: Көкентау ауылы, 50.078542 с.ш, 79.582856 в.д

СЫРТҚЫ КЕЛБЕТТІҢ ҚОҒАМДАҒЫ РӨЛІ



Адамның сыртқы келбеті қоғамда маңызды рөл атқаратынын бәріміз білеміз. Көптеген адамдар ішкі жан-дүние әлдеқайда маңызды деп санағанымен, алғашқы әсер сыртқы келбетке қарай қалыптасады. Мұнда біз адамның түр-сипатының әлеуметтік қарым-қатынастан бастап кәсіби мансапқа дейінгі әсерінің әртүрлі аспектілерін қарастырамыз.

1. Сыртқы келбет және алғашқы әсер

Алғашқы әсер санаулы секундтарда қалыптасады және бұл процесте сыртқы көрініс басты рөл атқарады. Зерттеулерге қарай, біз тартымды адамдарға мейірімділік, ақылдылық және адалдық сияқты жақсы қасиеттерді жатқызамыз. Бұл құбылыс «галлоэффект» деп аталады. Осылайша, бірінші рет кездескен кезде, сыртқы түр басқалардың адамды қалай қабылдайтынына айтарлықтай әсер етуі мүмкін.

2. Сыртқы келбет және өзін-өзі бағалау

Адамның өзін-өзі бағалауына сыртқы түрі әсер етеді. Өздерін әдемі деп санайтын адамдар өзін-өзі жоғары бағалайды. Бұндай адамдардың әлеуметтік қабылдау және табысқа сұранысы биік бола отырып, өзгелерден де өздерін жоғары бағалауды талап етеді. Керісінше, сыртқы келбетіне қанағаттанбау өзін-өзі бағалаудың төмендеуіне, тіпті депрессияға алып келуі мүмкін.

3. Сыртқы келбет және мансап

Кәсіби салада да сыртқы келбеттің орны жоғары. Зерттеулер көрсеткендей, тартымды адамдар жұмысқа орналасады, мансапта көтеріледі және жоғары жалақы алады. Сыртқы келбет құзыреттілік пен сенімділіктің айқын бейнесі болып табылады. Мысалы, ұқыпты және тиянақты түр ұйымшылдық пен кәсібилік туралы әсер қалдырады.

4. Сыртқы келбет және әлеуметтік қарым-қатынас

Әлеуметтік қарым-қатынастар да адамның түр-сипатына байланысты болады. Көбінесе жағымды адамдар достар мен серіктестерін оңайырақ табады. Алайда сыртқы келбетке тым көп көңіл бөлу жеңіл-желпі қарым-қатынасқа және адамның ішкі қасиеттерін бағаламауға алып келеді.

5. БАҚ пен қоғамның әсері

Жарнамалық кампаниялар, фильмдер және әлеуметтік желілер адамдарға айтарлықтай ықпал ететін мінсіз келбеттің бейнелерін үнемі таратады. Көптеген адамдар осы стандарттарға сәйкес болуға ұмтылады. Бұл олардың сыртқы түріне қанағаттанбауына, тіпті анорексия немесе булимия сияқты әртүрлі бұзылуларға алып келуі мүмкін.

Қорыта айтқанда сыртқы көрініс қоғамда маңызды рөл атқарады, алғашқы әсерге, өзін-өзі бағалауға, мансаптық және әлеуметтік қарым-қатынасқа әсер етеді. Ішкі қасиеттер маңызды болғанымен, сыртқы келбеттің біздің өміріміздегі маңыздылығын жоққа шығаруға болмайды. Тепе-теңдікке ұмтылу және нағыз сұлулық адамның сыртқы келбетінде ғана емес, сонымен қатар адамның рухани-адамгершілік қасиеттерінде екенін ұмытпаған жөн.

Өзге ұлттың қыз балаларын қайдам, біздің қазақ қыздарының құлағын тесіп, сырға салуы міндетті сияқты көрінеді. Құлағында сыңғырлаған сырғасы бар қазақ қыздары ерекше сұлу, ерекше әдемі. Сырға таққан қыздарға ақындар өлең арнап, сазгерлер сырлы ән шығарған. Сырғалы сұлуларын әнге қосып жүрген әншілер қаншама! Ал, біз осы қарапайым өмірде қыздың құлағын не үшін тесетініне үңіліп көрдік пе? Жалпы, қазақ қыздарының құлағын қай жаста тескен? Құлақ тесіп, сырға салып қоюдың не мәні бар?

ҚЫЗ БАЛАНЫҢ ҚҰЛАҒЫН ТЕСУ

Құлақ тесуде де тәрбие жатыр. Қазақта қыз баланың өміріндегі айтулы күн – құлағын тесу. Тоғыз жасты балиғатқа толған кез деп айтады екен, ал жеті – қазақ үшін қасиетті санның бірі. Қыздың құлағын көп жағдайда тек жеті жасынан бастап тескен. Тұлымшағы желбіреген кішкентай қыз жеті жасқа дейін қуыршақ ойнаған болса, құлағы тесілгеннен кейін оның мінез-құлқы бірден өзгереді. Осыдан бастап «сен енді сырғалы қыз болдың», «сырға таққан соң қыз санатына қосылдың, енді саған қуыршақ ойнау жараспайды» деп оның құлағына жайлап сіңіре береді. Бұдан былай ол қуыршақтың орнынан қолына кесте алады. Ою-оюды үйренеді. Ол ендігі жерде жеңгелерінің қазан-ошақ жақтағы істерін көретін болады. Құрт қайнатып, ірімшік жасап жатқан апаларына көмектесіп, мән-жайын білмекке ұмтылады. Қыз баланың құлағын тек сәндік үшін, әдемілікке бола теспейді. Бұл да – тәрбиенің бір түрі. Мұны қыз баланы ертеңгі күні келін болуға дайындаудың алғашқы баспалдағы деп айтуға болады. Бұл – қыз баланы ісмерлікке, шеберлікке үйретудің басы. Ол біртіндеп үйдің шаруасына араласа бастайды. Ұл баланы сүндетке отырғызған сияқты, қыздың құлағын тесу де бірдей, ата-анаға парыз болып саналады.

Жеті жастан бастап құлақ тескеннің белгілі бір заңдылығы бар. Ол осы күнді іштей асыға күтеді. Өйткені құлағын тескен соң қыз баланың мінез-құлқынан бастап, киетін киіміне дейін өзгереді. Қызға бүрмелі көйлекті құлағын тескен соң кигізетін болған. Осыдан соң ол өзін үлкен сезінеді, өзінің өміріне қажетті тірліктердің барлығын үйренуге тырысады. Саналы түрде соған бейімделеді, білмекке ұмтылады. Болашақ өмірге дайындықты осылай біртіндеп бастайды. Сол себепті де қыздардың құлағын тесерде абай болған жөн.

Құлақты қалай тескен? Құлақ тесерде алдымен сырғалығының екі жағынан екі тарыны сәйкестендіре қойып, жанын кетіре уқалайды. Содан кейін ғана отқа қыздырылып, әбден тазаланған инемен тескен. Бұрынырақта, құлақты тескен соң бірден сырға салмай, иттің жүнінен ширатылған жіпті өткізіп қоятын болған. Өйткені ата-бабаларымыз, бір жағынан, итті «жеті қазынаның» бірі санаса, екіншіден, ит жүнінің белгілі бір қасиеттерін білген. Құлақты іріңдетпейтінін, ісірмейтінін әрі тез жазылып кетуіне әсер ететінін білгендіктен де, алдымен иттің жүнінен жасалған жіпті пайдаланған.

Бұл күнде ит жүнінің адам денсаулығына пайдалы екенін дәрігерлер де айтып жатыр. Иттің жүнінен жасалған белдемшелердің денсаулыққа пайдасы барын жарнамалап жатқанын теледидардан көріп те жүрміз.



Өзгені қайдам, мұны біздің ата-бабаларымыз есте жоқ ескі замандардан-ақ білген. Ал кейбіреулер шайдың самасын өткізетін болған. Шай да қасиетті шөп, өйткені шайдың қасиеті болмаса, бүкіл әлем ішпес еді. Шайдың да құлақты қызартпайтын, ісірмейтін қасиеті бар. Осыдан кейін өзінің түкірігімен сулап, жаңағы сама немесе иттің жүнінен жасалған жіпті жылжытып, қозғап отырған. Осылай екі-үш күннің айналасында-ақ қыз баланың құлағы жазылып кеткен.

Әбден жазылған соң әжелеріміз немересінің құлағына күмістен соғылған сырғаны салғанды жөн көрген. Күміс – өте таза әрі емдік қасиеті мол металл. Күміс сырға таққан баланың құлағы ешқашан асқынып кетпеген, ауырмаған әрі құлақ күміске үйренген соң, алтынға да тез бейімделеді.

Көпшілік сырғаны тек сәндік әдемілік үшін салады деп түсінеді. Сол себептен тым кішкентай кезінен қыздарының құлағын тесіріп, қымбат тасты сырғаны салып жатады. Қазақ ештеңені жайдан-жай әрі негізсіз істемейді. Кейбіреулер бұған аса қатты мән беріп қарамайтын да шығар. Әр нәрсенің өз жолы болады, кез келген нәрсенің өз уақытымен жасалғаны дұрыс. Баланы ашамайға отырғызғанда жария етіп, дабырлатып өткізетінін айттық. Өйткені ұл бала – болашақта елін-жерін қорғайтын азамат. Сол себепті ертеден-ақ жау-жүрек әрі намысшыл болып өсуі керектігін санасына сіңіреді, балаға жауапкершілік жүктейді. Ал, қыз баланың құлағын тесуді әжелері мойнына алған. Анығы, бұл – отбасындағы әйел адамдардың, апа-жеңгелерінің бітіретін шаруасы. Қыздың құлағын тескен кезде ауылдың әйелдері, апа-жеңгелері жиналып келіп, шашуын шашып, кішігірім той-томалақ жасайды. Біздің ата-бабамыз балалық дәурені өтісімен қызға дұрыс тәрбие беруді қолға алған. Қыз – аз күнгі қонақ. Сондықтан да күні ертең келін болып түскен жерінде ата-анасына, ауылына сөз келтірмеуін алдын ала ойлаған.

КЕРЕК КЕҢЕС

Ерінді бояу – тек далап жағу ғана емес, ол да өзіндік бір өнер. Дұрыс боялмаған ерін сізді сұрпайы көрсетіп, көзіңізге жаққан макияды, ол қанша әдемі болса да, мәнін кетіреді. Ерінді бояу бірнеше кезеңнен тұрады.

1) Ерінді бояуды ең алдымен тональды крем жағудан бастау керек. Крем далаптың ерінде ұзақ тұруына ықпал етеді. Кремнің бір тамшысын ерінге бірыңғай жағыңыз. Егер ерніздің біршама үлкейтіңіз келсе, ерніздің сол жеріне кремді асырып жағыңыз;

2) Одан кейін далап ұзақ тұруы үшін әрі ерінді үлкейту үшін ерін шетімен қарындашпен сызық жүргізу керек. Ерін сыртына асырып жаққан тональды крем-

нің үстіңгі жағын сызу керек. Сызықты ерін ұштарынан ортасына қарай бағытта жүргізу керек. Қарындаш түсі далап түсімен сәйкес болуы керек. Қарындашты далап үстінен басқа түсті екендігін көрсетіп тұрып жағатындар бар! Бұл жеңіл-тек қыздардың кейбір беріп, өте сұрықсыз көрінеді, сондықтан сіздің жаққан қарындашыңыздың түсі далап түсімен бірдей болып, білінбей тұруы керек, ал егер сіз далап емес, ерінге арналған жылтырды ғана қолдансаңыз, қарындаш түсі ерін түсімен бірдей болу керек;

3) Одан кейін далапты жағамыз;

4) Далапты жаққан соң, оны сулықпен бір сүртіп аламыз. Ерінде тек далап-

тың реңкі қалғандай көрінуі керек.

5) Одан кейін опа жағамыз. Опа ерінге барқыт нәзіктік кейіп береді. ақындар жырлайтын нағыз алқызыл нәзік ерінге соның көмегімен жетуге болады. Сонымен қатар, опа еріндегі далап қандай анық, жылтыр түсті болса да, сіздің ерніздің жаратылысы өзі сондай секілді ой тудырады. Ерінге опаны аз ғана сеуіп, саусағыңызбен түртіп қана жағыңыз.

6) Содан кейін далаптан тағы бір қабат жағамыз.

7) Енді жылтыр жағу кезегі де жетті. Жылтырды тек астыңғы ерінге ғана жағу жеткілікті. Оны негізінен астыңғы ерінің



орта тұсына жаққан дұрыс, бұл сізге нәзіктік пен биязылық кейіп береді.

**ЖАҢАРҒАН
ЖАҢАСЕМЕЙ**



Директор Р.А.МОЛДАШЕВА

Редактор
Гүлім
ЗАМАНБЕКҚЫЗЫ
инстаграмм
kaisagulimzamanbek

Email:
info@semeytany.kz

Қазақстан Республикасы Мәдениет және ақпарат министрлігі берген тіркеу куәлігі
№ KZ13VPY00131521, 10.10.2025 ж.
Газет «АБАІ АИМАҚ MEDIA» ЖШС компьютерлік орталығында теріліп және беттеліп, «Басып шығару баспасы» «Рекламный дайджест агенттігі» ЖШС (Өскемен қаласы, Абай даңғылы, 20) баспа орталығында офсеттік әдіспен басылып шығады. Таралымы - 12120. Аптасына бір рет - сәрсенбі күні шығады.
Жарияланған мақаладағы авторлардың пікірлері редакция көзқарасын білдірмейді. Жарнама үшін жауапкершілік жарнама берушілердің құзырында.

Редакцияның мекенжайы: F18A5H3, Семей қаласы, Қайым Мұхамедханов көшесі, 12.
Тел.: қабылдау бөлмесі - 52-36-57; тілшілер - 52-07-34, 52-09-84
жарнама және баспасөзге жазылу бөлімі - 56-08-03; факс - 52-04-75; бухгалтерия - 52-38-32

